




Jenexi 1




Apitoryme kapu
tyrise Ritonōpo a,
nono roropa.



Sero sã pyra, typōke
pyra sero nono kynexine,
onokyro pyra, otyro pyra,
tuna rokene. Xinukutume
rokē kynexine tuna
konōto po, Ritonōpo
Zuzenu toytose tuna
epozakuroko.



— Saereme exiko! tykase Ritonõpo. Mame tõmehpitose, saereme toehse. Moro tosehpase eya saeremāme, moro xinukutumā tosehpase eya “kokome”. Morarama tõmehse rahkene, moro aēmehpitory osemazupu kynexine.




3

Mame ynara tykase Ritonõpo: — Tuna atapiakako, zokonaka onuhtohme! Moro tosehpase eya “kapume”. Xinukutu, sā, moro asakoro aēmehtoh kynexine.


4

Morarama tõmiry ke tuna amerehmā zopino tapiakase Ritonõpo a, esaka tyripose, nono osenetohtme! Mame moro sā toehse, nono tonore! Moro “nonome” tosehpase Ritonõpo a. “Tuna konõto” me moro tuna tõ tosehpase eya. Mame morohne eneryke tyya Ritonõpo zamaro inyrytā kynexine.




5

Morarama ynara tykase ynororo: — Awahtako emero rokene, tykase otytyko a, toperexiko tupuhtuke roropa oehtohme! Mame morara toehse kehko. Xinukutu, sā tõmehse oseruao aehtopo.




6

Asakoro ezuru konõto tõ tyrise eya: zumono saerekatohtme saereme te, zumo hkopyra exikety saerekatohtme koko. Xirikuato tõ tyrise roropa eya. Xinukutu, sā tõmehse, 4me aehtopo.




7

Morarama ynara tykase Ritonõpo: — Nakuaõkõme ehtoko, kana tomo pehme tuna ehtohme isene exiketõ ke, torõ tõme roropa ehtoko taporihkāme kae ytoketõme! Xinukutu, sā tõmehse, 5me ehtopo.



8

Morame ynara tykase Ritonõpo: — Nono poro ytoketõme ehtoko, onokyro tomo, okyno tõkehko, zakare tõkehko, tykase. Morara exiryke moro sã toehse.




9

Mame ynara tykase ynororo: — Eropa, ahno syritase kysã exikety. Mame kana esẽme exiko mã toto te, torõ tõ esẽme te, okyno tõ esẽme te, onokyro tõ esẽme, emero nono poro ytoytoketõ esẽme roropa. Morara exiryke tynyrytã eneryhtao tyya Ritonõpo zamaro inyrytã kynexine. Kure rokẽ kynexine. Xinukutu, sã tõmehse, 6mano.




10

Naeroro tynarykahpyry po Etẽ po mokyro orutua tyrise Ritonõpo a tupito poko aerohtohme otyro arykatohme.



11

Mame ynara tyripose ynororo eya: — Wewe epery emero ekarõko ase oya anapyryme, toiro wewe epery rokẽ tuarõtatoh zae ehtoh poko te, popyra ehtoh poko roropa, moro epery rokẽ osenahno. Moro epery onenahpyra exiko, ynara exiryke, tonahse oya ahtao moro ae ro orihnõko mase.



12

Naeroro mokyro tynyhmapose Ritonõpo a ironaka. Tynyhse ynororo ahtao aoropary zehpyry toiro touse Ritonõpo a. Mame ipũ tapuruse ropa eya. Moro aoropary zehpyry tyrise nohpome Ritonõpo a. Tarose ynororo eya orutua a.




13

Naeroro mokyro tynyhmapose Ritonõpo a ironaka. Tynyhse ynororo ahtao aoropary zehpyry toiro touse Ritonõpo a. Mame ipũ tapuruse ropa eya. Moro aoropary zehpyry tyrise nohpome Ritonõpo a. Tarose ynororo eya orutua a.



14

Morara exiryke orutua kō tumy rumekāko,
tyse rumekāko roropa mā toto typyty
maro rokē toehtohme. Mokaro asakoro
toiro pūme exīko mā toto.



15

Ritonōpo sero nono pōkō pyno
ipunaka. Morara exiryke Tumūkuru
toirō tonehpose eya, emero porehme
enetupuhtohme tosēkōme, orihpyra
ehtohme, jūme imaro ehtohme.



16

Romanos 3:23 Kymarokō emero tyrypyhpyke.
Osepune pyra sytatose, Ritonōpo kure exiry maro.

Romanos 6:23 Ynara exiryke, kyyrypyrykō
epehpyryme orihnōko sytatose. Yrome Ritonōpo
nekarohpyry ke orihpyra sytatose jūme. Jezu
Kyrixtu Kuesēkō marōme exīko sytatose, toorihse
exiryke kymyakākōme.

Epereu 9:27 Toipe sytatose. Emero porehme
orihnōko sytatose toiro. Moromeīpo kuapiakatorỹko
Ritonōpo mana.

17

Epezu 2:8,9 Naeroro tamoreme opyno xine Ritonōpo
toexiryke typynanohse matose. Okurākatorỹko roropa
mana kure oexirykō pokoino pyra. Jezu enetuputyryke rokē
oya xine okurākatorỹko mana. Topehke pyra, tynekarory
kurā sā, Tumūkuru tonehpose aorihthohme,
okurākatohkōme. Naeroro epyrypasaromepyra matose
Ritonōpo poenōme oexirykō poko. Kure oexirykō pokoino
pyra tukurākase matose Ritonōpo a.

Romanos 10:9,10 Jezu orihxīpo tōsemākapose ropa
Ritonōpo a. Moro enetuputyryhtao oya xine imehnō zurūko
matose: “Jezu Jesēme mana,” āko matose imehnomo a.
Morara awahtao xine opynanohtorỹko Ritonōpo mana.
Ynara exiryke, kukurohtao xine enetuputyryhtao kyya xine
kukurākatorỹko Ritonōpo mana. “Zae mase ya,” āko mana
kyya xine. “Jezu Jesēme mana,” karyhtao kyya xine
kypynanohtorỹko Ritonōpo mana.

18

João 3:16,17 Ritonōpo sero nono pōkō pyno ipunaka.
Morara exiryke Tumūkuru toirō tonehpose eya, emero
porehme enetupuhtohme tosēkōme, orihpyra
ehtohme, jūme imaro ehtohme. Sero pōkō
pynanohse Tumūkuru tonehpose Ritonōpo a,
toto onuānohpyra aehtohme.

1 João 5:11-13 Ynara Ritonōpo nekarohpyry sero.
Orihpyra kyritorỹko Ritonōpo mana Tumūkuru
enetuputyryke kyya xine. Ritonōpo mūkuru maro
exiketō orihpyra mā toto. Yrome Ritonōpo mūkuru
maro pyra exiketō orihketōme toto. Onenerykōme
pape merōko ase orihpỹme oehtohkō waro
oehtohkōme, Jezu Ritonōpo mūkuru
enetuputyryke oya xine.

19

Jenexi 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Apalaí Bible (apy) ©2017, Wycliffe Bible
Translators, Inc.

<https://www.bible.com/bible/865/MAT.1>

©2024 Bible for Children, Inc.
www.M1914.org www.bibleforchildren.org

20